

西安府志

第二函
八冊

西安府志卷第三十三

人物志

明

朱棣藩獻記太祖第二子洪武三年四月封秦王二十八年薨諡曰愍賈志子尚炳洪武二十八年七月襲封十八年薨諡隱王子志垣永樂十年九月襲封十三年薨諡僖王無子王庶兄志均永樂二十二年十月以渭南王進封三年薨諡懷王無子王弟志絜宣德三年三月以富平王進封二十八年薨諡康王子公錫天順二年六月以秦世子嗣封二十九年薨諡惠王子誠泳宏治九年九月以鎮安王嗣封薨諡簡王無子宏治十三年十月以臨潼王秉

機嗣封二年薨謚昭王子惟焯正德四年襲封薨謚定王
無子嘉靖二十七年二月王姪鎮國中尉懷堦襲封薨謚
宣王子敬鎔隆慶三年六月由隆德王襲封薨謚靖王子
宜湣于萬歷九年五月襲封薨謚敬王子宜漈萬歷十五
年由紫陽王襲封薨謚肅王子存機崇禎十年襲封薨謚
景王無子王弟存極崇禎十四年襲封十六年十月十一
日闖賊李自成破城被執遇害

按明官制秦王府在西安府治東

朱尚炳馮志愍王第四子封興平王謚恭靖子莊惠王志
塏嗣薨子安僖王公鏐嗣無子除

按明官制興平王府在秦府西南一里

朱公銘馮志康王第三子正統七年封臨潼王成化十年薨諡惠簡子僖和王誠深嗣薨子進襲爲秦昭王

按明官制臨潼王府在秦府東北二里

王恕明史字宗貫三原人正統十三年舉進士改翰林院庶吉士景泰間遷知揚州請謁不行歲饑不俟報輒發賑天順中轉江西右布政使討平嶺寇成化初轉河南左襄鄧流民劉通爲變聚衆數十萬勢甚猖獗擢恕都察院右副都御史捕治恕督兵攻破之擒通等榜示流民各使復業以功遷左副都御史入朝會議疏言六事皆切時政轉刑部右侍郎大學士商輅言雲南與安南切近宜選大臣巡視其地改恕爲左副都御史巡撫之在雲南九閱月自

黔國封二年薨謚

官吏人皆奉法令遷兵部尚書巡撫南

京兼督靖二十天下賦役收取過重乞嚴禁革光祿寺歲

供白粳椒櫟人賤工請稍裁別派市物料織造綵繪及

貢獻花木禽鳥請賜蠲省請以常州府羨米六萬石補民

夏稅以羨錢六萬貫補諸府戶口鹽鈔請減耗米十萬餘

以蠲重賦免秋糧數十萬芻半之以救火災周行賑貸至

二百餘萬口滿九載加太子少保孝宗卽位改吏部尚書

加太子太保恕在吏部抑僥倖獎名節拔淹滯遇事敢言

有不合輒求退起用以來乞休二十餘疏乃允家居年八

十八武宗遣行人存問恕復疏數事又四年卒贈特進左

柱國太師謚端毅恕五子十三孫多賢顯通志恕忠懇獲

王信凡建白多報可朝事有不可必曰王公何不言也則
又曰公疏且至矣未幾恕疏果至有謠云兩京三十部獨
有一王恕懸笥瑣探恕歷仕四十五年上三千餘疏皆忠
直凱切其惠愛如鄭子產直諫如汲長孺憂世之志如范
希文濟世之才如司馬君實年九十矣猶考論古今不忘
憂國先進遺風端毅公年八十餘葺廬先隴之次搜閱典
籍編歷代名臣諫議一百二十卷又作石渠意見四卷拾
遺二卷務剗俗學而求合聖賢之旨構玩易軒討究易理
作石渠意見一卷視衛武公之九十不忘交儆不殊也關
學編子承裕字天宇兒時恒端坐不妄言笑十四五時從
師蕭學蕭令侍立三日無所投歸歸以語父父曰善哉真

汝師矣由是益尊師力學第進士投徒講學教以祖孔顏
宗程朱弟子自樹而成名者甚衆授兵科給事中有時政
先務等疏皆切中時弊歷吏科都給事中正德初逆瑾專
政承裕上疏乞進君子退小人及諸不法事瑾怒罰栗輪
邊以外艱去服除瑾誅累遷南太常卿已卯宸濠叛欲趨
南都承裕分守通濟門會有逆黨藏甲兵于郭以應賊者
承裕覺之服以上刑世廟卽位癸未遷戶部左侍郎提督
倉場丁亥晉南戶部尚書己丑致仕家居以讀書教人爲
事卒年七十四賜祭葬謚康僖承裕性篤孝善事諸兄時
序祀先惟謹誨諸子侄以道冠婚喪祭必令率禮而行刊
布呂氏鄉約鄉儀諸書著有論語近說等書行世

三原人嘉靖乙丑進士除壽光令
軍糧巨寇馬天保勸耕織闢草萊決冤獄一切以經術飭
吏治大司空朱衡以河役費多爲言者所劾行勘莫敢任
者純請行覈得其實羣議遂息擢給事中發巨璫陳洪不
法事雪故給事中沈鍊寃直聲大振以抗疏言欵帑與大
學士高拱左出叅河南分部南陽從以兵右開府於浙改
漕折減織造復陂池團操軍向居會城與居民嚙牙純諭
曰爾曹以防汎爲家宜移營汎地勿戀此土咸聽命軍中
老弱疾病有故則勿補遂合九營爲七而兵不知汰轉戶
部侍郎歷左都御史劉晫之亂晝坐困火攻二策遣行間
卒破平之常請行考選罷礦稅釋逮繫諸臣疏十四不報

乃約諸大僚赴闕泣請上震怒問誰倡者對曰臣純也上亦霽威上體偶違和詔所司悉舉時政所急如罷稅等事純恐上中變卽日奉行頒示天下司寇以釋繫須再請上意卒中變人服純先見尋以忤政府意乞休與里中高年爲耆英會造學一草堂與後學發明精一一貫之旨定四禮式著雅約以化俗卒賜葬祭謚恭毅贈少保崇祀正學書院郡縣賢祠賈志予知字無知純長子專精經義時馮泰定家居講學與予知交最密恒延質疑義以恩胄遊南宮匿身蕭寺人莫可踪跡獨執經問字於焦太史竑欣然會云日知字與烈純次子萬歷乙卯舉人性孝謹潛心

必欲翻士林以爲名言

知縣吳中田傍湖悉淪湖漲泰築隄障之號雍公堤入爲御史初巡南城後巡居庸紫荆二關及巡鹽兩淮陞知府余子俊總督宣大舉爲山西兵備副使千戶韋瑛誣收謀逆百人子俊將入奏泰曰人命至重其可輕耶疑讞可也子俊從之至京果俱免泰剛直然涉卞厲民有罪或杖至死太原知府以狀上收下錦衣獄刑部讞當酷刑罷官刑部郎韓紹宗走見王恕曰泰直臣公可避鄉曲嫌坐視耶降湖廣叅政宏治初陞浙江右布政使十二年爲右府都御史巡撫宣府諸所奏議咸當時務泰將李稽李東陽姪也爲部下所告泰令縛擊以大杖科道官承東陽意劾泰

擅杖將官坐免既歸日居韋曲別業不涉城市武宗卽位
起南京戶部尚書劉瑾泰鄉人有勸泰行金謝者泰曰吾
進退在天居南兩月瑾矯旨令致仕長居韋曲年八十卒
泰奉身儉素爲尚書未製緋及卒家人製以殮焉墓志泰
擢御史吳俗令行皆饋樓船公不受固饋乃駕至張家灣
還之吳人歌曰時苗留犢雍公返舟見聞錄泰巡鹽兩淮
見竈丁貧而鰥者幾二千人比二年悉與完室旣去淮人
詠曰客邊檢橐渾無硯海上遺民盡有家又曰了却四千
兒女願春風解纜去朝天

張統備遺錄字昭季富平人父月川文行知名統才識通
敏洪武間由明經舉歷雲南右叅政晉左布政使凡雲南

土地貢賦法令條格悉經裁定洪武三十年入觀考最爲
天下第一通志建文卽位召統爲吏部尚書時旁求遺逸
會集闕下統鑒識精絕用當其才試編修實錄官靖難兵
起錄朝中奸臣二十八人統與其數赦爲尚書如故上簡
建文羣臣因解職務月給半俸居京師統退自經
李昶雍大記字文焯涇陽人自少敦重孝友刻志向學領
洪武丙子鄉薦歷官戶部尚書凡儲蓄貢輸戶稅增損金
帛出納皆調度規畫有法所得不少留頒賜姻族比卒家
無餘貲

李暹賈志長安人洪武中舉於鄉永樂初授戶部主事使
西域至撒罕馬凡五往反遍歷諸國不辱君命歷任戶部

侍郎後又有高引先者亦長安人由進士官行人使朝鮮及境有使來迎稱曰館伴引先改爲迎候得上國體歸朝授御史巡方所至發奸摘伏若神終四川叅議

馮進馬志藍田人以人才授貴州道監察御史巡按山東陞四川按察僉事兼督學道衡鑒澄清轉河南屯田僉事抑豪強辨疑獄後丁憂廬墓卒

王琰馬志字廷玉鄆縣人由貢士授太寧令愚民負固琰與約令自至平其獄訟賦役俾各得所再補長清令吏舞文爲患琰黜老吏三四人其患頓除時稱治行爲山東第

一
統志明史揚州江都人安化王寘僭反賊之奔征西將

軍封咸寧伯予世券尋出擊河北賊趙鐸山東賊劉七
之進咸寧侯卒謚武襄孫鸞嗣爵罪除

神英通志京師人嗣指揮使延安衛捕虜先登成化宏治
間充總兵守寧夏延綏以前後功中律封涇陽伯後坐劉
瑾黨奪爵

呂震願學堂集字克聲臨潼人洪武中鄉舉入太學朝廷
行天下則壤均賦震承檄之兩浙報命稱任使擢山西按
察僉事入爲戶部主事尋出爲北平按察僉事成祖潛邸
恭順有勞及卽位累擢刑部尚書轉禮部兼領戶兵二部
震深中寡言當其獨坐以手指刮眉毛則必有精思密計
諸官屬相誠無敢白事主事尹昌隆白震事震不應少選

復前震拂衣起曰君自行之何以問爲昌隆不得請有語以公舊事東宮何不取令旨行之昌隆從其計震怒奏下昌隆獄尋赦復官後數年谷王謀反以王嘗保奏昌隆爲長史坐與謀夷其族仁宗朝加太子太保宣德元年病面疽宛轉呼曰尹相尹相家人問故曰尹昌隆守而欲殺我震竟死

來恭三原志三原人洪武中貢士累擢僉都御史彈劾不避權貴有讒恭者上私幸其第恭妻紡綿恭方荷鋤園中遂誅讒者而益重恭

墨麟通志字士禎高陵人洪武甲子鄉舉任監察御史風

紀大振擢北平副使永樂初陞刑部右侍郎人不敢干以

進少保卒

馬京雍大記字子高三原人洪武十三年進士及第授翰林院編修永樂初拜刑部右侍郎卒謚文簡京爲人方正有才思立朝多所建明

李節三原志字文度三原人永樂中以明經授給諫論事務存大體陞四川副使宣德間都督陳懷鎮四川擅作威福節抗疏劾其不法數事懷竟以是敗衆服其剛介尋陞按察使

李錫賈志字天祿咸寧人永樂戊子解元授蒲州學正出其門者多成令器陞給事中整飭典章小心愼密得近臣體轉通政使封駁章奏通達下情雖倥偬繁劇條理井井

王真續文獻通考咸寧人洪武中以功授燕山右護衛百戶從靖難出奇制勝肥河之戰斬獲無算而後隊不繼被圍數匝真氣愈奮斬敵數十人馬上自刃而斃

韓永太微集西安人或曰浮山人豐軀美髯音吐宏朗官戶科給事中慷慨論兵建文喜之靖難後杜門不出召入見不屈死

趙天泰表忠記三原人建文元年以明經爲翰林編修出亡之日天泰與焉時衣葛因自稱衣葛翁又號天肖子後老死於蜀

王志表忠記咸寧人永樂初進士授吏科給事中陞河南知府四年草寇猝發死之勅旌忠臣